

Broj: 07-02-7-03/1/08
Mostar, 10.01.2008. godine

Na osnovu članova 14, 15. i 30. Zakona o električnoj energiji („Službene novine FBiH“ br. 41/02, 24/05, 38/05), članova 12. stav (1) i 14. stav (1) Statuta Regulatorne komisije za električnu energiju u Federaciji Bosne i Hercegovine („Službene novine FBiH“ br. 13/04), članova 31, 52. i 53. Poslovnika o radu Regulatorne komisije za električnu energiju u Federaciji Bosne i Hercegovine („Službene novine FBiH“ br. 59/04), te članova 44. stav (1) tačka a), 45. i 50. stav (1) Pravilnika o javnim raspravama i rješavanju zahtjeva i žalbi Regulatorne komisije za električnu energiju u Federaciji Bosne i Hercegovine („Službene novine FBiH“ br. 37/05) i članova 9, 52, 55, 63. i 71. Pravilnika za tarifnu metodologiju i tarifne postupke („Službene novine FBiH“ broj 45/05), Regulatorna komisija za električnu energiju u Federaciji Bosne i Hercegovine – FERK je na I. redovnoj sjednici u 2008. godini, održanoj u Mostaru dana 10.01.2008. godine, donijela sljedeću

O D L U K U

o provođenju trećeg tarifnog postupka

Član 1.

Utvrđuje se da je započeo treći tarifni postupak po Zahtjevu za odobrenje tarifa za djelatnost snabdijevanja električnom energijom, podnesenom od strane podnosioca zahtjeva Javnog poduzeća „Elektroprivreda Hrvatske zajednice Herceg Bosne“ d.d. Mostar, zaprimljenom u FERK 04.01.2008. godine, pod brojem 07-02-7/1/08.

Član 2.

Ovom odlukom utvrđuje se da je započeo postupak formalne rasprave u trećem tarifnom postupku po zahtjevu iz člana 1. ove odluke.

Član 3.

Formalna rasprava u trećem tarifnom postupku pokrenutom po zahtjevu iz člana 1. ove odluke planira se održati 17.01.2008. godine sa početkom u 9:00 sati, u prostorijama FERK-a, na adresi Blajburških žrtava br. 33, Mostar, a prema planu aktivnosti provođenja tarifnog postupka, vodeći računa o rokovima za donošenje konačnih odluka.

Na formalnoj raspravi iz stava (1) ovog člana raspravljat će se i o prijedlogu tarifnih stavova podnosioca zahtjeva.

Prije održavanja formalne rasprave iz stava (1) ovog člana, održat će se pripremna rasprava radi odlučivanja o rasporedu radnji i drugim proceduralnim pitanjima kojima se upravlja tokom postupka.

Član 4.

Formalna rasprava iz člana 3. ove odluke je otvorena za javnost, ali u istoj mogu učestvovati zaposlenici FERK-a, podnosilac zahtjeva i umješaci.

Član 5.

Obavještenje za javnost o podnesenom zahtjevu iz člana 1. ove odluke i mjestu i vremenu održavanja formalne rasprave iz člana 3. ove odluke objavit će se u „Dnevnom listu“, „Dnevnom avazu“, „Večenjem listu“, „Slobodnoj Dalmaciji“ i na web stranici FERK-a, na dan 11.01.2008.godine, i ista će sadržavati informaciju da na formalnoj raspravi mogu učestvovati zaposlenici FERK-a, podnosilac zahtjeva i umješaci.

U obavještenju se navodi da umješac zahtjev za sticanje statusa umjешaca u postupku formalne rasprave iz člana 3. ove odluke podnosi do 14.01.2008. godine do 14:00 sati, koji je i rok do kada zainteresovana lica mogu dostaviti svoje pisane komentare.

Obavještenje iz stava (1) ovog člana je sastavni dio ove odluke.

Član 6.

Status umjешaca u formalnoj raspravi može steći pravno ili fizičko lice pod uslovom da blagovremeno podnese zahtjev za sticanje statusa umjешaca i da ispunjava sljedeće kriterije:

- da ima direktan interes u ovom tarifnom postupku, a koji je različit od općeg javnog interesa
- da raspolaže podacima i činjenicama od značaja za formalnu raspravu u ovom tarifnom postupku koji se vodi pred FERK-om.

Član 7.

Ova odluka stupa na snagu danom donošenja, te se objavljuje na web stranici i oglasnoj tabli FERK-a, kao i u „Službenim novinama FBiH“.

O b r a z l o ž e n j e

U skladu sa članom 52. stav (1) Pravilnika za tarifnu metodologiju i tarifne postupke, FERK je 04.01.2008. godine primio od JP „Elektroprivreda HZ HB“ d.d. Mostar, Zahtjev za odobrenje tarifa za djelatnost snabdijevanje električnom energijom upisan pod brojem 07-02-7/1/08. U cilju dopune navedenog zahtjeva, podnosilac zahtjeva je FERK-u dostavio Dopune Zahtjeva za odobrenje tarifa za djelatnost snabdijevanja električnom energijom primljenu dana 07.01.2008. godine pod brojem 07-02-7-01/1/08 i dana 09.01.2008. godine primljenu u FERK pod brojem 07-02-7-02/1/08.

U skladu sa članom 9. i 71. Pravilnika za tarifnu metodologiju i tarifne postupke, FERK će započeti ovaj tarifni postupak na osnovu podataka koje je dostavio podnosilac zahtjeva, uvažavajući činjenicu da je podnosilac zahtjeva isti podnio s obzirom na Zaključak Vlade Federacije BiH sa 39. sjednice održane 19.12.2007. godine, V. broj: 949/2007. Ovim Zaključkom utvrđena je obaveza elektroprivrednih društava iz Federacije BiH da kao balansno odgovorne strane, svaka u okviru svojih nadležnosti u skladu sa važećim zakonima i propisima, aktima i odlukama regulatornih komisija za električnu energiju i aktima Nezavisnog operatora sistema kojima se uređuje tržište električne energije u Bosni i Hercegovini, osiguraju snabdijevanje svih nekvalifikovanih (tarifnih) kupaca/potrošača električne energije u Federaciji Bosne i Hercegovine, kojima su dužna osigurati snabdijevanje, uključujući i kvalifikovane kupce koji su se opredijelili da budu snabdijevani kao tarifni kupci. Istim Zaključkom određena su zaduženja za JP Elektroprivreda BiH d.d.- Sarajevo, JP „Elektroprivreda HZ HB“ d.d. Mostar i „Aluminij“ d.d. Mostar i to na način da se zadužuju JP Elektroprivreda BiH d.d.- Sarajevo i JP „Elektroprivreda HZ HB“ d.d. Mostar da za potrebe snabdijevanja kupaca u Federaciji BiH iz vlastitih kapaciteta zajednički osiguraju 35 MW (u bandu) nedostajuće električne energije za potrebe snabdijevanja kupaca na području djelovanja JP „Elektroprivreda HZ HB“ d.d. Mostar, na način da JP Elektroprivreda BiH d.d.- Sarajevo u okviru navedenih količina osigura prema JP „Elektroprivreda HZ HB“ d.d. Mostar komercijalnu isporuku vlastitih bilansnih viškova koji iznose 307,44 GWh. Dalje je Vlada Federacije BiH zadužila JP „Elektroprivreda HZ HB“ d.d. Mostar da za potrebe snabdijevanja kupaca u Federaciji BiH na tržištu električne energije osigura dio nedostajuće električne energije u iznosu od 41 MW (u bandu), odnosno 360,14 GWh za potrebe snabdijevanja kupaca na području svog djelovanja, dok je „Aluminij“ d.d. Mostar zadužen da u skladu sa zakonom i važećim propisima, aktima i odlukama regulatornih komisija za električnu energiju i aktima Nezavisnog operatora sistema kojima se uređuje tržište električne energije u Bosni i Hercegovini, za vlastite potrebe na tržištu električne energije osigura dio nedostajuće električne energije u iznosu od 40 MW (u bandu) odnosno 351,36 GWh.

FERK je kod donošenja ove odluke pošao od obaveza, odnosno zaduženja koje je Vlada Federacije BiH pomenutim zaključkom propisala za JP „Elektroprivreda HZ HB“ d.d. Mostar, kao i od činjenice da su na tržištu električne energije nastupili neočekivani poremećaji uzrokovani nedostatkom ponude električne energije u okruženju, te da je došlo do porasta cijena električne energije. FERK kao regulator, a na osnovu Zakona o električnoj energiji utvrđuje cijene električne energije zasnovane na opravdanim troškovima koje u svom poslovanju ostvaruju regulisana javna elektroprivredna preduzeća, uvažavajući da nabavka, odnosno trošak nabavke nedostajuće količine električne energije, utiče na snabdijevanje nekvalifikovanih (tarifnih) kupaca, odnosno cijenu električne energije za nekvalifikovane (tarifne) kupce. Stoga je neophodno da se nakon nabavki nedostajućih količina električne energije razmotre troškovi snabdijevanja električnom energijom nekvalifikovanih (tarifnih) kupaca JP „Elektroprivreda HZ HB“ d.d. Mostar, a posebno troškovi nabavke električne energije za 2008. godinu, troškovi kratkoročnih nabavki električne energije zbog nepovoljne hidrologije na način da se u sistemu zadržao dio nabavljene električne energije po najvišim ugovorenim cijenama za 2007. godinu, radi osiguranja kontinuisanog i sigurnog snabdijevanja električnom energijom, kao i prihodi od kratkoročnih prodaja i preprodaja električne energije nabavljene po najvišim ugovorenim

cijenama za 2007. godinu, da bi FERK utvrdio prosječnu proizvodno-nabavnu cijenu koja se putem tarifnih elemenata alocira na kategorije i grupe potrošnje, odnosno tarifne stavove za nekvalifikovane (tarifne) kupce. FERK će ovaj tarifni postupak provesti kako bi JP „Elektroprivreda HZ HB“ d.d. Mostar bila u mogućnosti da obavlja svoju obavezu javne usluge snabdijevanja nekvalifikovanih (tarifnih) kupaca, odnosno u cilju zaštite općeg javnog interesa, kako sigurnost snabdijevanja svih kupaca električnom energijom ni u jednom trenutku ne bi bila upitna.

U skladu sa članom 30. Zakona o električnoj energiji i članom 63. Pravilnika za tarifnu metodologiju i tarifne postupke, FERK će na dostavljanju sve potrebne dokumentacije, podataka i informacija, insistirati tokom tarifnog postupka. FERK, u skladu sa Pravilnikom za tarifnu metodologiju i tarifne postupke, od podnosioca zahtjeva može zahtijevati dostavljanje procjene potrebne dokumentacije, podataka i informacija, s tim da zadržava i pravo vlastite procjene istih.

Član 45. Pravilnika o javnim raspravama i rješavanju zahtjeva i žalbi FERK-a propisuje obavezu obavještanja javnosti o podnesenim zahtjevima za odobrenje tarifa i datumu održavanja formalnih rasprava, kao i sadržaj obavještenja za javnost, dok je članom 50. stav (1) istog Pravilnika, određeno je da nakon početka postupka formalne rasprave FERK zakazuje formalnu raspravu radi utvrđivanja činjenica.

Na osnovu svega navednog, odlučeno je kao u dispozitivu odluke.

PREDSJEDNIK FERK-a
Risto Mandrapa s.r.